

滿
清
野
史

滿 清 野 史

滿清野史

(編四 編三 編續 編正)

隱索：附

(冊五全裝精)

傳流廣以·印翻迎歡

定價新台幣一千五百元

號〇一九〇第字業台版局局聞新院政行：號字記登司公本

中華民國
一九二〇年

原刊本

原書線裝本
三十八冊

撰者 民·胡蘊玉等

校刊者 昌福公司

印行者 新興書局有限公司

台北市晉江街一二四巷六號一三號

經售者 各大書局

中華民國十七年十二月版

滿清野史
四編

四編

w45601p

清江里五口集

成都昌福
公司排印

滿清野史四編

第十一種

洪楊軼聞

傳善祥

傳善祥。金陵女也。幼習文史。年二十餘。粵兵陷江寧。逼取民間識字婦女。納之偽宮。充女簿書。代爲批判。善祥婉媚頗合意。遂恃寵而驕。賤牒有不當。輒肆批罵。屢言首事諸翁。狗矢滿中。蓋極詆其不通也。語侵東王。王怒。乃借善祥嗜吸黃煙事。枷號女館。未幾善祥病。乃以賤呈東王云。素蒙厚恩。無以報稱。代閱文書。自盡心力。緣欲夜遣睡魔。致干禁令。偶吸煙草。又荷不加死罪。原冀恩釋。有期。再圖後效。詎意染病二旬。瘦骨柴立。似此奄奄待斃。想不能復覩慈顏。謹將某日承賜之金條脫一。金指圈二。隨表納還。藉申微意。幸昭鑒焉。東王閱賤。遽釋其罪。并令閒散養疴。各女館任意游行無禁。善祥因是得漸愈。亦因是遂逸去。大索不得。噫。女

亦狡獪矣哉。

九妹

東王自傳善祥逸去。主簿書無當意者。而於是九妹特聞。九妹姓朱氏。湖北人。年十九。能詩文。既慧且豔。陷敵後。依僞百長。廣西某女館中某與九妹意甚投。且憐其柔弱。屢次不以應選。初粵兵殺人。必假名天父。鑒言某事以神其說。至是事微洩。東王遂作天父下凡狀。指出九妹。即傳衆女官入王府羅跪。先問九妹曰。爾識字否。對曰不識。問某百長藏爾否。則直折之曰。館中非我一人。何謂藏。王怒。令杖杖數折。血痕過膝。遂昏絕。又問某百長。對與九妹同。遂令挖口割乳。且剖其心。而後梟首。謂是天父意。非此不足以儆衆也。九妹拘僞府月餘。創稍平。即陰結某王娘。將以砒石毒東王。謀泄。遂被殺。同館九人亦與焉。

趙碧孃

同時又有趙碧孃。趙本良家女。丰姿秀美。年僅十五六。惜未詳其籍。初被賊擄。三

日不食。與同伴不交一言。或慰之曰。我輩所以忍死者。圖有完聚日耳。幸無自苦。可緩以求脫也。碧孃領之。始進食。未幾。選入繡館。乃爲賊精製二冠。而陰以穢布作襯。冀以覘之。卒爲同館者訐發。東王初令杖責。及取冠裂視。大怒。令於翌日。且點天燈示衆。點天燈以帛裹人身。漬油使透。植高竿倒縛於下。以火燃之也。時碧孃方杖暈。棄桂樹下。夜半始醒。醒乃自縊於樹。得免慘焚。賊怒無所洩。遂殺守者。及同館知情不舉之數十人。夫碧孃一小女子耳。然其絕意偷生。誓志復仇。是固九妹之同志。若善祥之媚賊求脫。不相去霄壤哉。

華爾

清咸豐末。粵兵陷蘇常。分股竄松郡。青嘉川南等處。先後失守。遷城危如累卵。時有華爾者。美國人也。長於粵。嘗來申江貿易。乃招精壯數百人。以花布纏頭。服青呢小袖短衣。狀類西兵。各執洋槍。教以進退布陣之法。凡八十人爲一排。挨次而進。步無錯亂。號長勝軍。人又呼爲洋槍小隊。其後攻城奪邑。長爲諸軍冠。賊甚憚。

之時各國助剿兵未集。曾帥大軍亦未至。遷城實賴以安。迨賊棄松江。大憲卽飭華爾往守。廣招勦習。所謂洋槍隊者。共得四五百人。值賊勢方熾。浙之嘉湖。松之青金奉皆爲賊窟。去郡又不及百里。而賊始終不敢犯。且嘗分軍協擊。所到必克。清廷獎其功。授職總戎。卽鎮松江。蓋中國之鍊洋槍實自華始。後以攻慈谿陣亡。松郡士民思其戰守之績。無不悼惜。同時又有法蘭西提督卜羅德。協剿柘林。受槍殞命。華爾既沒。復有夷人白齊文統其衆。不久從賊。旋爲清兵所獲。遂回本國。繼又私入中國。在漳州助逆。爲閩浙總督左帥宗棠所擒。時英國福州領事。仍請解回審辦。左帥不允。差官押赴蘇城。詎惡貫已盈。以舟覆蘭谿溺死。

張阿寶

洋槍隊之有統帶。蓋舉當地人領之。至教習進退坐作之法。以及臨陣督隊。則仍另雇西人。當江浙諸城克復時。頗得其力。然所招多無賴。易滋事。甚如聚黨搶掠。亦或不免。而於所謂統帶者。飄翠羽。乘暖轎。騎從如雲。人皆避道。本地風光。亦云

至矣。乃亦有倚勢凌人。武斷鄉里。意稍拂。卽帶勇嚇詐。有洋槍哨總擬保都司儘先守備提標右營下藍翎千總張鳳祥者。原名阿寶。以娼家子入隊。拔主哨總。而素行甚穢。無惡不作。不僅私設公案。錮人勒贖已也。經丁日昌訪聞屬實。飭縣出示招告受其害者。紛紛呈控。提訊明確。請令正法人。皆快之。

多隆阿之將略

中興名將帥。隸旗籍者。必首數塔齊布及都興阿。天下無異詞。其驍果任戰。疊樹大勳。與兵事相始終。尤以多隆阿爲八旗勁旅中功第一。咸豐八年冬。公偕鮑超禦安慶。援賊一日粵軍犯鮑軍。急來請援。公辭不赴。特張樂宴諸將。酣呼達旦。敵偵知無備。遽舍鮑營乘夜來襲。公預伏兵要隘。賊至大敗之。十一年七月。粵軍由英霍趨太湖。連營數十里。公命佯敗以誘之。稱病甚不能督軍。敵至偃旗息鼓。閉關不出。敵大詬如弗聞也者。如是數日夕。敵終疑之。尋獲我閒諜。謂公實大病。遂來犯。公預伏二十營於左右路。敵至夾擊。皆棄械奔桐城。嗣是追逐截擊捷報日

聞一夕公登輜車遠眺曰賊衆十倍我連戰皆挫今知我所在夜必來劫營乃潛徙其軍敵夜至得空營大驚自相踐藉死無數引去安慶之克公功最多蓋天授將畧其神勇尤出塔公都公上云多治軍二十年所得廉俸悉以賞健士恤傷亡官文知公貧郵寄三千金贍其家公知之馳卒追取爲戰士購征袍方公整屋受創時清帝發內府珍藥敷治並命黑龍江將軍傳知其子雙全馳驛往視而忠勇無家其子絮衣葛屨寄食親友將軍資以行裝始得上道忠勇遺疏有云不使家有長物身有餘財確非虛語

張炳垣

張繼庚字炳垣江寧諸生粵賊初破江寧炳垣欲自盡旣而曰徒死無益遂降之改名葉子法處之機匠館中同郡吳畏堂初客漢口與漢陽令趙公德轍故相識至是吳亦陷賊而趙公擢授江寧府炳垣因與畏堂謀賄守門賊通書趙公約內應趙爲言於向公許之炳垣先後上書三十六函初議入朝陽門賊酋忽將守門

賊調赴他處。而別遣廣西長髮者守之。乃更約取道後湖。以草船伏人而進。賊曾微聞之。周湖築土城。防範甚密。於是計不果行。同謀有張沛澤者。廣西人。見事不就。背之去。炳垣乃復與張鵝頭約。鵝頭故無賴子。感炳垣意氣。私結儕輩百餘人。願以一死相報。計定。炳垣託故出城。親謁向公。極陳江甯可破狀。約大兵夜集儀鳳門。則城內開門納之。公付以免死牌五千紙。定讞待期舉行矣。沛澤故知其謀。見鵝頭炳垣數相語。曰。予我千金。不爾。當發其事。炳垣曰。吾安所得千金者。沛澤果以白賊。立逮炳垣。拷掠備至。同館人曰。內應首謀。實爲張氏繼庚。此葉子法。非爲叛者。獄稍緩。而秀清改命賊酋胡元偉承審。元偉故廬州太守。陷張忠烈公於死。而以城降賊者也。嚴刑酷法。至燒鐵烙體。刺猪鬣乳中。炳垣憤恨不能忍。曰。他人問。吾無可承。公乃大清堂堂四品官。吾亦公祖部民也。當以實供。內應事大。非一二江甯人所能。皆由廣西老賊首謀。且人多吾不能記。請以簿至。胡顧左右取僞官冊。炳垣指一廣西人曰。此同謀者。卽逮其人殺之。又指一人曰。此知情者。又

殺之。殺至三十餘人。秀清曰。已也。墮其計矣。彼所指皆老兄弟。非實情也。勿復問。遂用車裂法。繫炳垣手足及首。鞭五馬而馳之。左手右足先斷。首次之。餘體又裂爲二。觀者皆掩泣。鴉頭聞之曰。嗟乎。吾旣以死許張公。畏禍食言。非丈夫也。且張公以數言殺賊數十。而不一語及我。望我成其志耳。我必圖之。時賊衆稽察嚴密。各城增設木柵數重。及期。鴉頭率其黨。殺守門賊七人。而無計越柵開城。官兵役至不得入。明日賊中大索殺人者。久之無左驗。事將寢矣。鴉頭過所善沈獸醫。飲酒酣。大言曰。前日大難。七人者我所殺也。獸醫首其事。復殺鴉頭。自是城中無敢謀內應者矣。後獸醫以事出城。鄉民戮之。沛澤卒亦見殺於賊。云。天河生聞諸李芝生曰。張先生上軍書。率由芝生代傳。三十六函存其廿四。他日謀爲刊之。當夫嚴刑逼供之日。豈不知一死無所逃免哉。然而骨肉齟粉。忍死不承。冀萬一獲全。猶有後望。卒用計殺賊多人而後能。可不謂烈丈夫哉。機事不密。英傑淪亡。又爽然失矣。

王晚李秀成攻上海策

宋不用張元。而元昊用之。大爲中國患。人多咎宋之遺才。而不然也。此其中固有天存乎其間焉。同治元年春二月。上海中外諸軍。攻克粵賊七堡逆壘。獲蘇州諸生王晚。上忠王書。其陳攻取上海之策。薛觀察堂中丞閱之大驚。疏聞之朝。江南北大爲警備。幸賊不從其計。卒以無事。至四月後。李爵相督師來滬。以上海爲關中。戰勝攻取。遂奏廓清之功。然當晚獻策之時。使賊稍聽其謀。上海一有失事。則後來李相無駐節之所。餉源斷絕。不知又多費若干經營矣。賊平後。晚遁入咪喇哩墨海書院以死。晚先時亦嘗謁吳曉帆觀察陳書。當事者不置意。遂往從賊。此亦張元之流亞也。國祚中興。彼昏不用。豈非天哉。晚書陳子壯於薛中丞幕府中見之。洋洋數千言。畧勸賊與洋人和。而藉其勢以圖中原。謂洋人遣使至金陵。以各國貿易所在。請無攻滬。而賊曾不許。洋人遂助中國城守。大爲失策。此時宜亟許其不攻。而要令不得以軍裝火藥資中國。再遣舟師渡江。分擾通泰及下河完善。

之區。并於海道劫掠華商。使不敢載運貨物。貿易不通。釐捐斷絕。官軍乏餉。洋人坐困。上海聚數百萬避難之人。無所得食。必且生變。而洋人生理既絕。亦必俯首來求修好。然後脅之使獻上海。策之上也。若一時不能與洋人和。而先欲得上海。亦不必調集大兵也。蓋洋人嗜利。近以蘇浙二省避難人。鬻主滬地。遂於夷場廣造房屋。重收租息。初不問人之來歷也。宜遣精兵數千人。僞作難民。賃洋屋以居。地係夷場。中國官無從稽察。中夜一呼。應者四起。縱火焚燒。遇人斫殺。洋人計惟登舟逃逸。而上海唾手得矣。上海既得。然後招回洋人而厚待之。不擻其怒。而仍可爲用。策之次也。云云。其慮甚周。其計甚毒。故在上海者閱之。無不掩指。無不失色。乃以梟雄之李秀成。亦如陳叔寶之昏庸。棄書牀下。此真清廷之大幸也。嗚呼。豈非天哉。按王琬改名韜。字紫銓。其上書忠王一事。滬人多能言之。當時爲太平國大計。殆無逾是書所言者。竊怪忠王求賢若渴。優禮士夫。乃獨遺國士王琬。殆不可解哉。同時香山容先生閱自美游學回。謁秀全。獻外交購船二策。秀全亦不

能用。語云得士者昌。失士者亡。然哉然哉。

義妓

揚州朱九妹。年二十。才色雙絕。兼善書算。粵軍得之。獻於秀清。寵愛備至。朱私誓不與俱生。暗以砒霜毒之。未遂而死。又金陵李氏女。選入東王宮。藏寸許小刀於髻內。伺秀清被酒酣睡。直刺其喉。秀清適轉身。誤中左肩。立呼左右剝女皮。懸竿焚之。烈哉。閨閣之英也。秦淮妓女王憶杏者。爲僞都督施姓所出。佯爲歡笑。醉以酒抽刃殺之。而自經於後樓。則尤爲罕見者矣。

考試女子

粵軍脅令士子應試。亦分別鼎甲翰林諸名。獨冠錦服。鼓吹遊街。少有知識者。輒逸去。後又考試女子。取傅善祥爲女狀元。榜眼鍾氏。探花林氏。招入僞府。令掌簿司批答。

奇女子

咸同間軍興以來。豪傑之士。摩厲戎馬間。立功立名。人才輩出。而世間奇女子。不願以閨幃終老者。杜氏女者。乃亦以勇略著於時。杜名憲英。河南人。父爲名諸生。藏書數千卷。幼從少林學李法。技擊絕精。及生女。愛若掌珠。盡以藏書及拳擊進退諸法。授之女。亦聰穎。自輯古今兵事爲一編。藏之枕中。父病戒之曰。吾晚得汝。不及爲汝訂婚事。汝母年老。須自具特識。參決可否。百年事重。勿似人間小兒女。羞澀不言也。遂卒。母自外家見兩生。一周一鄭。才品相類。皆內親也。密商於女。女歎曰。文武兼備。世罕其人矣。鄭當以文學進。而無大成就。周福較厚。特武功耳。母曰。河決年荒。盜賊四起。武亦良善。遂字於周。既嫁。伉儷甚篤。踰年而粵兵北犯。開封以大隊攻城。而游騎四出擄掠。開歸而竄。然不寧。周集鄰村二百人。夫妻別爲二隊。領之。二人者各分其隊。爲二。二正二奇。敵至。初見數十人。易之。直撲女陣。女佯敗。退至叢林間。周突起大呼於林東。敵方錯愕。其西路銃礮又作。山斫木杪。旗幟飛揚。不可數計。敵大驚潰。距叢林四里許。故有破廟。廟中伏兵伺賊過。復譟而